

## **YSGOL GYNRADD NEFYN**

Annwyl Rieni,

### **Presenoldeb a Phrydlodeb**

Gair i ddiolch am eich cydweithrediad i sicrhau fod y plant yn cyrraedd yr ysgol erbyn deg munud i naw yn y bore, ac am gysylltu â'r ysgol yn syth os na fydd eich plentyn yn bresennol. Er inni gyrraedd ein targed o 94% erbyn diwedd Tymor yr Haf, yn anffodus daeth y ffliw a'r `bug` ac fe ostyngodd y safon cyn y Nadolig. Gan fod rhai o'r disgyblion gyda chanran is na 85% byddaf yn cysylltu â rhieni'r disgyblion hynny ar unwaith yn dilyn derbyn rhestr o'r enwau gan y Swyddog Lles.

### **Cyfle i drafod eich plentyn**

Bydd cyfle i chi ddod i'r ysgol rhwng 3:30 a 4:30 o'r gloch ar Ddtdd Llun Chwefror 23ain am sgwrs os oes unrhyw bryderon o gwbl neu os ydych yn awyddus i drafod unrhyw fater â'r athrawes neu'r Pennaeth.

Os ydych yn dymuno cael sgwrs gyfrinachol neu `breifat` gyda un o'r athrawon neu gyda'r Pennaeth unrhyw amser mae croeso ici godi'r ffôn i drefnu amser cyfleus.

Cofiwch fod drws agored i unrhyw riant alw'n yr ysgol rhwng 8:00 y bore a 5:30 y prynhawn am sgwrs gyda'r Pennaeth.

### **Holiaduron Rhieni**

O ganlyniad i'ch cyfraniad i'r holiaduron amgaeaf ddadansoddiad ohonynt a'r camau rydym wedi ei gymeryd yn yr ysgol. ( Cofiwch fod yr wybodaeth ar gael ar ein safle ysgol ar y We [www.ysgolnefyn.co.uk](http://www.ysgolnefyn.co.uk)).